

Inatsisartut suleriaasiat § 37 immikkoortoq 1 naapertorlugu matumuuna Naalackersuisunut apeqqutit imaattut saqqummiuppakka:

Apeqqut:

1. Imerajuttuuneq aanngajaarniutinillu pinngitsuuisinnaajunnaarneq aningaasanoorajuttuunerlu nappaatit nalilernerqarternerat Naalackersuisut isumaqatigivaat?
2. Qulaani apeqqutigisara Naalackersuisut isumaqatiginngippassuk pisortatigoortumik immikkut suliniutigineqarnissaanut INUUNERITTA suliniummut saniatigut qanoq aqqissuuseqqinnissaq pilersaarutigineqarpa

(Inatsisartuni ilaasortaq, Laura Táunâjik Siumut)

Tunngavilersuut:

Aalajangiunneqarnikuuvoq imigassamut, aanngajaarniutinut aningaasanoornermullu pinngitsuuisinnaajunnaarnermit katsorsartinneq akeqanngitsumik neqeroorutaalissasoq.

Inuit katsorsartikkusukkaluartut pisortanit aningaasatigut ikiorserneqarnissaat ajornartinneqartarpoq pinngitsuuisinnaajunnaarnerit qulaani taaneqartut nappaatit isigineqannginneri tunngavilersuutigalugit.

Tamatumalu kingunerisarpaa napparsimanagerup nalaani suliffeerukkallarnermi ikiorsiissutinik pisinnaasanninnerat. Taamaalillunilu akiligassanut kinguaattoornerit pilersarlutik.

Tamanna qaangerniarlugu pissusissamisuussaaq inuit katsorsartikkusuttut aningaasatigut aporfeqannginnissaat ukkatarineqarnissaat.

Kissaatigaara apeqqutima ullut suliffiusut qulit iluanni akineqarnissaat